

სარჩევი

სატენდერო დოკუმენტაცია ღორდის, ქვიშანარევი ღორდის და მდინარისეული ბალასტის შესყიდვაზე.....	2
1. საქონლის მიწოდების ვადა და ადგილი.	2
2. შესასყიდი საქონლის რაოდენობა და ტექნიკური მოთხოვნები.....	2
3. დანართი № 1.....	4
ფასების ცხრილი	4
4. ხელშეკრულების პროექტი საქონლის შესყიდვის შესახებ #.....	4
5.სატენდერო დოკუმენტაციის შესახებ დამატებითი ინფორმაციები:	9
6.საკონტაქტო ინფორმაცია	9

**სატენდერო დოკუმენტაცია ღორდის, ქვიშანარევი ღორდის და
მდინარისეული ბალასტის შესყიდვაზე**

გამარტივებული ელექტრონული ტენდერის საშუალებით

1. საქონლის მიწოდების ვადა და ადგილი.

- 1.1 საქონლის მიწოდების ვადაა: ხელშეკრულების გაფორმებიდან, 2016 წლის განმავლობაში, ეტაპობრივად „შემსყიდველის“ წერილობითი მოთხოვნის მიღებიდან არაუმეტეს 2 (ორი) სამუშაო დღე.
- 1.2 „მიმწოდებელმა“ უნდა წარმოადგინოს საქონლის მიწოდების კონკრეტული ვადა.
- 1.3 საქონლის მიწოდების ადგილი: წარმოდგენილია ტექნიკურ პირობაში.

2. შესასყიდი საქონლის რაოდენობა, ტექნიკური პირობები, მისამართები და მოთხოვნა.

2.1 საქონლის რაოდენობა, ტექნიკური პირობები და მისამართები.

№	საქონლის დასახელება და ძირითადი მახასიათებელი	განზომილების ერთეული	რაოდენობა
1	2	3	4
1	ღორდი 40X80მმ	მ3	655
2	ღორდი 20X40მმ	მ3	205
3	ღორდი 10X20მმ	მ3	82
4	მდინარისეული ბალასტი (მოსაზვინად)	მ3	850
5	ქვიშა ნარევი ღორდი	მ3	90

- „შემსყიდველი“ ღორდის, ქვიშანარევი ღორდის და მდინარისეული ბალასტის ტრანსპორტირებას ახორციელებს „მიმწოდებლის“ ტერიტორიიდან „შემსყიდველი“ საკუთარი სატრანსპორტო საშუალებებით.
- „პრეტენდენტს“ კარიერები (მიწოდების ადგილი) უნდა გააჩნდეს ქვემოთ განსაზღვრული ქვესადგურების მისამართებიდან არაუმეტეს 50 კილომეტრის მანძილზე.
- „პრეტენდენტმა“ უნდა წარმოადგინოს კარიერების მისამართები რომლებიდანაც განხორციელდება ღორდის, ქვიშანარევი ღორდის და მდინარისეული ბალასტის მიწოდება.
- „შემსყიდველის“ სატრანსპორტო საშუალებებზე ღორდის, ქვიშანარევი ღორდის და მდინარისეული ბალასტის დატვირთვა „მიმწოდებლის“ ვალდებულებაა.

მისამართები:

- თბილისის რეგიონალური ქსელი

ღორდი 10X20მმ – 10³ და ქვიშა ნარევი ღორდი – 30 მ³

მისამართი: ქ. თბილისი, აგლაძის ქ# 32, ქ/ს „დიდუბე-220“.

- შიდა ქართლის რეგიონალური ქსელი

ღორდი 40X80მმ – 50 მ³; ღორდი 20X40მმ – 30 მ³; ქვიშა ნარევი ღორდი – 18 მ³

მისამართი: სოფელი ტინისხიდი, ქ/ს „გორი-220“.

- ქვემო ქართლის რეგიონალური ქსელი

ქვიშა ნარევი ღორდი – 7მ³

მისამართი: ქ. რუსთავი, ჩათმის მთა, ქ/ს „რუსთავი-220“-ის

ღორდი 10X20მმ – 72მ³

გამარტივებული ელექტრონული ტენდერი სს „საქართველოს სახელმწიფო ელექტროსისტემისათვის“
ლორდის, ქვიშანარევი ღორდის და მდინარისეული ბალასტის შესყიდვაზე

მისამართი: ქ.რუსთავი, ჩათმის მთა, ქ/ს „რუსთავი-220“ – 12 მ³

მისამართი: ქ.მარნეული, იალღუჯის მთა, ქ/ს „მარნეული-220“ – 30 მ³

მისამართი: ქ. გარდაბანი, აღმაშენებლის ქ.#2, ქ/ს „გარდაბანი-500“ – 30 მ³

- აჭარა-გურია-სამეგრელოს რეგიონალური ქსელი

ქვიშა ნარევი ღორდი – 15 მ³

მისამართი: ზუგდიდის რ-ნი სოფელი რუხი, ქ/ს „ზუგდიდი-220“.

- იმერეთის რეგიონალური ქსელი

ღორდი 40X80მმ – 605 მ³

მისამართი: თერჯოლის რ-ნი სოფელი ღვანკითი, ქ/ს „ზესტაფონი-500“ – 510 მ³

მისამართი: წყალტუბოს რ-ნი სოფელი მაღლაკი, ქ/ს „წყალტუბო-220“ – 95 მ³ (ვარციხე)

ღორდი 20X40მმ – 175 მ³

მისამართი: თერჯოლის რ-ნი სოფელი ღვანკითი, ქ/ს „ზესტაფონი-500“ – 45 მ³

მისამართი: წყალტუბოს რ-ნი სოფელი მაღლაკი, ქ/ს „წყალტუბო-220“ – 130 მ³ (ვარციხე)

მდინარისეული ბალასტი (მოსაზვინად) – 850 მ³

მისამართი: თერჯოლის რ-ნი სოფელი ღვანკითი, ქ/ს „ზესტაფონი-500“ – 570 მ³

მისამართი: წყალტუბოს რ-ნი სოფელი მაღლაკი, ქ/ს „წყალტუბო-220“ – 280 მ³ (ვარციხე)

ქვიშა ნარევი ღორდი – 20მ³

მისამართი: თერჯოლის რ-ნი სოფელი ღვანკითი, ქ/ს „ზესტაფონი-500“ – 8 მ³

მისამართი: წყალტუბოს რ-ნი სოფელი მაღლაკი, ქ/ს „წყალტუბო-220“ – 12 მ³

2.2 მოთხოვნა: ფასწარმოქმნის ადეკვატურობის დასაბუთების ვალდებულების შესახებ:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სახელმწიფო შესყიდვების ერთიანი ელექტრონული სისტემის მეშვეობით დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მიერ განსაზღვრულ ვადაში (სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-12 პუნქტის შესაბამისად), პრეტენდენტი ვალდებული იქნება დაასაბუთოს ფასწარმოქმნის ადეკვატურობა შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშფაქტურით ან/ და ინვოისით ან/ და სასაქონლო ზედნადებით ან/და საბაჟო დეკლარაციით, რომელიც ადასტურებს პრეტენდენტის მიერ ელექტრონული ვაჭრობის შედეგად დაფიქსირებულ საბოლოო ფასად ტენდერით გათვალისწინებული საქონლის სრულად მოწოდების შესაძლებლობას. რომლის გაფორმების ან გაცემის თარიღი უნდა იყოს არაუმეტეს 6 თვისა დოკუმენტაციის წარმოდგენის დღიდან. თუ ზემოაღნიშნული დოკუმენტი წარმოდგენილ იქნა უცხო ენაზე მას თან უნდა ახლდეს ნოტარიულად დამოწმებული თარგმანი ქართულ ენაზე.

3. დანართი № 1

პრეტენდენტის მიერ უნდა შეივსოს ქვემოთ მოცემული ფასების ცხრილი.

სატენდერო წინადადების ღირებულება წარმოდგენილი უნდა იყოს ლარში დღგ-ს გარეშე.

ფასების ცხრილი

№	საქონლის დასახელება და ძირითადი მახასიათებელი	განზ. ერთეული	რაოდენობა	ერთეულის ფასი (ლარი)	ჯამური ღირებულება (ლარი)	მიწოდების ვადა და ადგილი	მწარმოებელი ქვეყანა
1	2	3	4	5	6	7	8
1	ღორდი 40X80მმ	მ3	655				
2	ღორდი 20X40მმ	მ3	205				
3	ღორდი 10X20მმ	მ3	82				
4	მდინარისეული ბალასტი (მოსაზვინად)	მ3	850				
5	ქვიშანარევი ღორდი	მ3	90				
	მთლიანი ღირებულება დღგ-ს გარეშე						

შენიშვნა: სატენდერო წინადადების ღირებულება უნდა ითვალისწინებდეს ყველა ხარჯს.

4. ხელშეკრულების პროექტი საქონლის შესყიდვის შესახებ

ქ. თბილისი

2016 წ. -----.

I. მხარეები

წინამდებარე ხელშეკრულება დადებულია 2016 წლის -----, ერთის მხრივ სს „საქართველოს სახელმწიფო ელექტროსისტემას“, წარმოდგენილი მისი რეაბილიტაციის მმართველის ----- სახით (შემდგომში – „შემსყიდველი“) და მეორეს მხრივ ----- (შემდგომში – „მიმწოდებელი“) შორის, წარმოდგენილი ----- სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი დანართი №1-ის (ფასების ცხრილი) და დანართი №2-ის (ტექნიკური პირობა) შესაბამისად. CPV კოდი შესყიდვის ობიექტების მიხედვით: **14210000**

2.2 დანართი №1 და დანართი №2 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს ----- (-) ლარს ----- (შემდგომში – „ხელშეკრულების ღირებულება“). ხელშეკრულების ღირებულება ითვალისწინებს ყველა ხარჯს: კანონმდებლობით გათვალისწინებულ ყველა გადასახადს.

გამარტივებული ელექტრონული ტენდერი სს „საქართველოს სახელმწიფო ელექტროსისტემისათვის“
ლორდის, ქვიშანარევი ღორდის და მდინარისეული ბალასტის შესყიდვაზე

3.2 ანგარიშსწორება განხორციელდება ეტაპობრივად ფაქტიურად მიწოდებულ საქონელზე გაფორმებული მიღება-ჩაბარების აქტის და სათანადო ანგარიშფაქტურის წარმოდგენიდან 10 (ათი) კალენდრული დღის განმავლობაში.

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1 „მიმწოდებელმა“ საქონლის მოწოდება უნდა განახორციელოს ხელშეკრულების გაფორმებიდან ————— სამუშაო დღის ვადაში.

4.1.2. გადასცეს „შემსყიდველს“ ნივთობრივად და უფლებრივი ნაკლისაგან თავისუფალი საქონელი, მისამართზე: **წარმოდგენილია ხელშეკრულების ტექნიკურ პირობაში**

4.2. „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

V. მხარეთა პასუხისმგებლობა

5.1 „მიმწოდებლის“ მიზეზით საქონლის დაგვიანებით, არასრულად ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

5.2 ამ ხელშეკრულების 6.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ „მიმწოდებელს“ საქონელი უბრუნდება წუნდების ან ხარვეზის გამო - ხელშეკრულებით დადგენილი საქონლის მიწოდების ვადის გასვლიდან, წუნდებული ან ხარვეზიანი საქონლის მაგივრად ხარისხიანი საქონლის მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

5.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

5.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

5.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ

გამარტივებული ელექტრონული ტენდერი სს „საქართველოს სახელმწიფო ელექტროსისტემისათვის“
ლორდის, ქვიშანარევი ღორდის და მდინარისეული ბალასტის შესყიდვაზე
შეიძლება გახდეს „მიმწოდებლის“ მხრიდან „შემსყიდველისათვის“ 5.3 პუნქტით
გათვალისწინებული პირგასამტეხლოს დარიცხვის საფუძველი.

VI. ხელშეკრულების შესრულების კონტროლი

6.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განხორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

6.2 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ _____.

6.3 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

VII. ფორს-მაჟორი

7.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

7.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

7.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

VIII. ურთიერთობა მხარეებს შორის

8.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

გამარტივებული ელექტრონული ტენდერი სს „საქართველოს სახელმწიფო ელექტროსისტემისათვის“
ლორდის, ქვიშანარევი ღორღის და მდინარისეული ბალასტის შესყიდვაზე

8.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

IX. ხელშეკრულების პირობების შეცვლა და/ან ვადამდე მოშლა

9.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

9.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულება შეიძლება ვადამდე მოიშალოს:

9.3.1. მხარეთა შეთანხმებით;

9.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

9.4 „შემსყიდველს“ შეუძლია ხელშეკრულება ვადამდე შეწყვიტოს:

9.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

9.4.2. „მიმწოდებლის“ გაკოტრების შემთხვევაში;

9.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება; რაც წარმოადგენს „შემსყიდველის“ მხრიდან ნდობის დაკარგვის საფუძველს.

9.4.4. საქართველოს კანონმდებლობით გათვალისწინებულ სხვა შემთხვევებში.

9.5 ამ მუხლის 9.4 პუნქტში მითითებულ შემთხვევებში „შემსყიდველი“ ვალდებულია აუწყოს აუწყალოს „მიმწოდებელს“ ფაქტიურად მიწოდებული საქონლის ღირებულება.

X. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

X I. დავათა განხილვა

11.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ

გამარტივებული ელექტრონული ტენდერი სს „საქართველოს სახელმწიფო ელექტროსისტემისათვის“
ლორდის, ქვიშანარევი ღორდის და მდინარისეული ბალასტის შესყიდვაზე
მხრეს დავის გადაწყვეტის მიზნით შეუძლია დადგენილი წესით მიმართოს
სასამართლოს.

X II. შესყიდვის ობიექტის მიღება-ჩაბარების წესი

12.1 საქონლის მოწოდებისას „შემსყიდველის“ მიერ წინამდებარე ხელშეკრულების
6.2 ქვეპუნქტით განსაზღვრული პირი ამოწმებს მოწოდებული საქონლის შესაბამისობას
წინამდებარე ხელშეკრულების პირობებთან, ხარვეზების (წუნდების) არ არსებობის
შემთხვევაში ფორმდება მიღება-ჩაბარების აქტი ფაქტიურად მიღებული საქონლის
მიხედვით „შემსყიდველსა“ და „მიმწოდებელს“ შორის.

12.2 საქონლის მიღების დროს აღმოჩენილი ხარვეზების (წუნდების) შემთხვევაში
„შემსყიდველი“ ვალდებულია ოპერატიულად, წერილობითი სახით აცნობოს
„მიმწოდებელს“ სათანადო ხარვეზების შესახებ (წუნდების არსი).

12.3. „მიმწოდებელი“ ვალდებულია ხარვეზების (წუნდების) აღმოჩენის შემთხვევაში
„შემსყიდველის“ წერილობითი შეტყობინებიდან 5 (ხუთი) სამუშაო დღის განმავლობაში
თავისი ხარჯებით გამოსწოროს ხარვეზი, თუ ეს შეუძლებელია, „მიმწოდებელმა“
„შემსყიდველის“ წერილობითი შეტყობინებიდან 10 (ათი) სამუშაო დღის განმავლობაში
უნდა შეცვალოს საქონელი.

12.4 საქონელი მიღებულად ჩაითვლება მხარეთა შორის მიღება-ჩაბარების აქტის
გაფორმებისთანავე. მიღება-ჩაბარების გაფორმების შემდგომ პასუხისგებლობა
საქონელზე გადადის შემსყიდველზე.

X III. ხელშეკრულების მოქმედების ვადები

13.1. ხელშეკრულება ძალაში შედის მხარეთა მიერ ხელმოწერისთანავე.

13.2 ხელშეკრულების მოქმედების ვადა ამოწურულად ჩაითვლება მხარეებს შორის
ხელშეკრულებით გათვალისწინებული პირობების შესრულებისთანავე, მაგრამ
არაუგვიანეს 2016 წლის — ჩათვლით.

XI V. ხელშეკრულების სხვა პირობები

14.1 ხელშეკრულება შედგენილია ქართულ ენაზე ორ ეგზემპლარად და ყოველ
მათგანს გააჩნია თანაბარი იურიდიული ძალა.

14.2 ამ ხელშეკრულებით გათვალისწინებულ შემთხვევებში, მხარეები
მოქმედებენ საქართველოში მოქმედი კანონმდებლობის თანახმად.

14.3 წინამდებარე ხელშეკრულებით გათვალისწინებული პირობები
შესასრულებლად სავალდებულოა მხარეთათვის და მათი შესაბამისი
სამართალმემკვიდრეებისა და უფლებამონაცვლეთათვის. დაუშვებელია წინამდებარე
ხელშეკრულებით გათვალისწინებული ვალდებულებების გადაცემა სხვა მხარისათვის
მეორე მხარის წინასწარი წერილობითი თანხმობის გარეშე.

14.4 წინამდებარე ხელშეკრულებით გათვალისწინებული პირობები წარმოადგენს
კონფიდენციალურ ინფორმაციას და არ უნდა მოხდეს მათი გამჟღავნება სხვა
მხარისათვის, გარდა კანონმდებლობით გათვალისწინებული შემთხვევებისა.

14.5 წინამდებარე ხელშეკრულება დაიდო სახელმწიფო შესყიდვის შესახებ
საქართველოს კანონის მე-3 მუხლის პირველი პუნქტის რ) ქვეპუნქტის შესაბამისად.

XV. მხარეთა რეკვიზიტები

„შემსყიდველი“:

„მიმწოდებელი“:

5.სატენდერო დოკუმენტაციის შესახებ დამატებითი ინფორმაციები:

- 5.1 აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.
- 5.2 პრეტენდენტის წინადადება უნდა შეიცავდეს შემდეგ დოკუმენტებსა და ინფორმაციას:
- 5.2.1 შევსებული ფასების ცხრილი (დანართი №1)
- 5.2.2 საქონლის მიწოდების კონკრეტული ვადის შესახებ.
- 5.2.3 რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები.
- 5.2.4 ინფორმაცია ზუსტი ტექნიკური მახასიათებლების შესახებ.
- 5.2.5 მწარმოებელი ქვეყნის დასახელება.
- 5.2.6 პრეტენდენტი კომპანია რეგისტრირებული არის თუ არა დღგ-ს გადამხდელად.
- 5.3. მიმწოდებლის წერილობითი თხოვნით, ან საკუთარი ინიციატივით შემსყიდველი ორგანიზაცია განმარტავს ან/და აზუსტებს ტენდერთან დაკავშირებულ ინფორმაციას, რაც ფორმდება სატენდერო დოკუმენტაციის დამატების სახით და განთავსდება სისტემაში. აღნიშნული ქმედების განხორციელების უფლება სატენდერო კომისიას აქვს წინადადებების მიღების ვადის დასრულებამდე არანაკლებ ორი დღით ადრე გამარტივებული ელექტრონული შესყიდვის შემთხვევაში.
- სატენდერო დოკუმენტაციის დამატება არ უნდა ცვლიდეს სატენდერო დოკუმენტაციის თუ განცხადების შინაარსს.
- 5.4 ყველა სავალდებულო დოკუმენტაცია წარმოდგენილი უნდა იყოს ქართულ ენაზე.
- 5.5 პრეტენდენტს უფლება აქვს წარმოადგინოს მხოლოდ ერთი სატენდერო წინადადება. ალტერნატიული სატენდერო წინადადება არ დაიშვება.

6.საკონტაქტო ინფორმაცია

გამარტივებულ ელექტრონულ ტენდერთან დაკავშირებით ინფორმაციისათვის და განმარტებებისათვის შეგიძლიათ მიმართოთ სატენდერო კომისიის აპარატის წევრებს:
გიორგი გოგინაშვილი ტელ: 577240424 ელ. ფოსტა: giorgi.goginashvili@gse.com.ge
გიორგი გიორგაძე ტელ: 577232355 ელ. ფოსტა: giorgi.giorgadze@gse.com.ge